



Universitäts- und Landesbibliothek Sachsen-Anhalt

urn:nbn:de:gbv:3:1-523503-p0002-0


DFG




Universitäts- und Landesbibliothek Sachsen-Anhalt

urn:nbn:de:gbv:3:1-523503-p0003-6

DFG





1695 43d 20.
FACULTATIS JURIDICÆ

IN ALMA FRIDERICIANA

H. T.

DECANUS,
CHRISTIANUS THOMASIUS,

ad Lectiones Cursorias

super Tit. ff. de Rei Vindicatione

Die XXIII. & XXIV. Maji, horâ pomerid. III.

ET DISPUTATIONEM INAUGURALEM

DE PROTESTATIONE JUS PRO-
TESTANTIS NON CONSERVANTE

D. XXIX. ejusd. mensis Horis Ante- & Pomerid.

DN. JOH. ANTONIO VVALTHERO,

VRATISLAVIENSI,

J. U. CANDIDATO

IN AUDITORIO MAJORI

habendas,

decenter invitat.





Vi sibi, vitio seculi, persuadent Jurisprudentiam nostram non solum non labrare, sed & in florentissimo vigore statu, ii non sentiunt, quod infinitis in singulis doctrinæ Juris partibus, erroribus circumdati vivamus, & in tantum Autoritatis vanæ præjudicio simus immersi, ut non solum juris axioma-
ta, quæ Brocardica & Herbæ Betonicæ communiter dicuntur, sæpissimè omni ratione aut exemplo destituantur, de quo alibi, sed & quod sæpissimè etiam legibus, & legum rationi, planè adversentur. Unde non infrequens, ut propter neglectum studium antiquitatis & status Romani, qui legibus causam præbet, vel intellectum, dato uno absurdo sequantur plura, & Vitio nostro Jurisprudencia, jam satis propriis morbis laborans, misere vapulet. Rem unico exemplo declaremus. Communis persuasio est Fundi nomine etiam venire glebam. Hinc infertur: Non posse legari aut promitti fundum in genere, etiamsi quis fundum vel fundos possideat: Timendum enim esse ajunt, ne heres vel promissor glebam legata-

gatario vel stipulatorio offerat. Quod si quis urgeat: Domū
tamen legari & promitti posse, si quis modo domum pos-
siveat, respondent: Esse hic differentiam inter do-
mum & fundum, fundum enim constitui sitâ destina-
tione patris familias, domum autem pariete demum in-
terjecto dividi in duas: alias objectiones & responsiones
ut jam mittam. Neque putandum est, glossæ saltem
ad l. cum post 69. §. gener 4 ff. de jure dotium, proprias esse
has assertions. Quotusquisque enim hodie est, qui
non eas, vel certè fundum erroris, glebam fundi no-
mine venire, pro indubitabilibus habeat, ut post Cuja-
cios, Alciatos &c. vel Wissenbachius, acutus alias er-
rorum hujusmodi observator ad L. 60. de V. S. hunc re-
petierit. Sed omnia falsa. Nunquam gleba sub fundi
voce comprehensa. Age videamus probationem er-
roris. Provocant ad Cajum d. l. 60. de V. S. sed nihil minus
dicit. Ostendit differentiam inter locum & fundum, &
statuit: Fundum integrum aliquid esse; Et modicum locum pos-
se fundum dici, si fundi animo eum habuerimus, non enim ma-
gnitudinem locum à fundo separare, sed nostram affectionem, Et
quamlibet adeo portionem fundi posse fundum dici, si jam consti-
tuerimus. Fundum etiam habere suos fines. Sentis apertè per
quamlibet portionem hic à JCto intelligi quemlibet modicum
locum. Ipsi ex loco fecerunt glebam, quæ JCto nunquam
in mentem venit. Ita ex granis cumulus, ex cumulis fi-
unt acervi. Ita ex singulis personis componuntur fami-
liæ ex familiis vici, ex vicis civitates. Quod si quis dicat
cumulum ab acervo, civitates à vicis affectione & destina-
tione separari & quemlibet vicum posse civitatem, quem-
libet cumulum posse acervum dici, quis inde inferret,,
quodlibet granum, sub voce acervi, quamlibet personam
aut familiam, sub voce civitatis venire. Add. Javolenum

* 2

l. us.

l. 115. de V. S. Fundus est omne, quicquid solo tenetur. At gleba non tenetur solo: & Florentinum l. 211. eod. Fundi appellatio- ne omne ædificium & ager continet. At gleba nec ædifici- um nec ager est. Sed ajunt, an nescis in quodam joculari libello citari hæc carmina Marc Ciceronis: Fundum Var- ro vocat, quem possum mittere Funda. Ni tamen excideret, qua cava funda patet? Ego vero putarem, ex joculari libello non peti debere proprietates vocum, neque ab ineptiis Poetarum aut Grammaticorum, etiam veterum. Varro non est ad manus, quod si tamen ex notis commentato- rum ad d. l. 60. aut ad l. 115. de V. S ferè unanimiter Varro- nem adducentium conjectura sumenda, Varro id nequaquam dixit: sed id dixit: Fundum à fundamento vel fun- dando nomen accepisse. Verosimilitudine majori im- ponere potuissent, si provocassent ad modum antiquum litem contestandi, in controversia de vindicatione rerum immobilia, ubi, ut ex Cicerone pro Murana & Agellio L. 5. c. 19. constat, partes ex jure in fundum controversum ibant & inde glebam in jus deferebant, ut postea super ista glebâ fundum repræsentante manum conserere possent. Sed tamen parum ipsis hæc argumentatio esset profutura. Nihil frequentius est hodie, quam ut in ludis, maximè in ludo Hispanico l' Hombra certæ quædam portiones ad id fabricatæ (dantes, jettons) certam pecuniæ quantitatem denotent. At quis inde vellet inferre, pecuniæ nomine istas portiones venire, & timendum esse, si tibi certa pecuniæ summa legetur vel promittatur, ne heres vel pro- missor te solutione ejusmodi particularum eludat. Ergo negamus alterum falsum ex superiori deductum. Licet omnino legare & promittere fundum in genere, si modo quis fundum vel fundos habeat. Non adduce- mus infinitos textus, in quibus legati fundi absque adje- ctione,



2

etione, fit mentio; evidens est sententia Ulpiani in l. 37.
§. 1. de legat. i. Si de certo fundo sensit testator, nec appareat de quo
cogitavit, (Casus vero h̄ic nullus alius est, quām si v. g. di-
xit: Cajo dō lego fundum) electio heredis erit, (secundū jus ve-
tus, ubi JCti in electione legati generis, cui ea competeret,
dissentiebant, vel formulas legatorum distinguebant,) quem vellet dare, (certe non glebam.) Et posito quod fundi
nomine veniret gleba, locutio ista hyperbolica esset, pro-
ut jam concessit Alciatus lib. 4 de V. S. f. m. 582. At quis le-
gata & stipulationes ex hyperbolis locutionibus inter-
pretari vellet. Provocant tamen ad Papinianum. Et
quid clarius, quam dum l. 69. §. 4. de jure dot. dicit: con-
stare, quod fundo non demonstrato nullum sit legatum vel sti-
pulatio fundi tanquam corporis ignoti, aut dum in l. 115. de V.
O. repetit, imperfectam esse stipulationem, si fundum dari sti-
pulatus esset, non adjecto nomine. Ita quidem est. Sed nun-
quam dixit Papinianus, quod tum stipulatio non valeat,
si quis fundum vel fundos habeat, aut quod ideo non va-
leat, quia promissor possit se liberare si glebam det. Ni-
hil alienius est à mente JCti. Aperte sententiam Papinia-
ni declarat Ulpianus l. 71 pr. de Legat. I. Si domus alicui sim-
pliciter sit legata, neque adiectum, qua domus, cogentur here-
des, quam vellet, domum, ex his quas testator habebat, legata-
rio dare. Quod si nullas ades reliquerit, magis derisorium est
quam utile legatum. De hoc igitur casu etiam intelligen-
dus Papinianus: Par enim h̄ic est ratio domus & fundi le-
gati. Dico: parem esse rationem, non: eadem esse do-
mum & fundum. Unde male affertur, quod domus pa-
riete demum interjecto dividatur in duas, quod verum
esset, etiamsi Glossa non afferret in ejus probationem. *Si*
quis duas, §. si quis partem, commun. præd. Id autem falsum:
In h̄ac juris quæstione differentiam inter domum &
fundum esse: Falsum, quod ideo quia domus interjecto

* 3

parie-



pariete in duas partes dividatur, legatum domus non ita facilè reddi possit derisorum, si sc quis domus posideat: Quid enim illa divisio ad præstationem legati? Falsum, quod ideo legatum fundi, si quis fundos habeat, sit derisorum, quia fundus solâ destinatione constitutatur. Falsum, quod in hoc differat fundus à domo; Falsum, quod differentiâ istâ probetur ex l. 24. §. 3. de Legatis I. Disertè enim ibidem Pomponius: *Nostrâ destinatione, non naturâ fundorum nomina & domus constitui.* Ergo uti à Pomponio in simili casu comparantur domus & fundi, ita & in quaestione nostrâ similis erit ratio. Accedit, quod fundi legarentur regulariter additâ demonstratione, Corneliani, Semproniani, Sejani &c. Sic & domus pariter legari solebant: Domus Semproniana, Sejana, Formiana. *Briffon de Formul. lib. 7 p. m. 632. 636.* Quemadmodum vero officium JCti in eo consistere arbitramur, ut nãvios istos & similes Jurisprudentiæ & JCtorum cautè evitare studeat, & legum ipsarum non solum rationes diligenter inquirat, sed & Doctorum sententias semper ad rationis trutinam examinet, ita, qui laudabili ista via incedunt, præ reliquis honorum præmia merentur. Horum ordini adscribimus, cuius gratia scriptionem hanc suscepimus, Virum Nobilissimum & Consultissimum, Dominum JOHANNEM ANTONIUM WALTHERUM, Vratislaviæ Anno hujus seculi 71. d. 8. Octobr. à Parentibus honoratissimis adhuc per Deigratiā viventibus, Domino CASPARO ANTONIO WALTHERO, JCto celebri & Advocato jurato in Curia Vratislaviensi, Patre, Matre autem, Fœminâ sui sexus virtutibus fulgente, EVA WAGENKNECHTIA, prognatum. Hic Noster, postquam more consveto prima rudimenta & credendorum & sciendorum percepislet, Anno 84 à Parentibus Posnaviam, ut linguam Polonicam, cuius in Patria multus est usus, addisceret, missus, & Anno sequente obtento fine inde redux factus, in ordinem superiorem Vratisl. Gymnasii Elisabet. translatus fuit. Ibi vero Professores varia cruditione & virtute celebres, & audivit, & obedientia debita ad favorem & benevolentiam sibi devinxit. Et in his quidem Johannem Acoluthum, S. S. Theologiæ D. Ecclesiæ & Gymnasii Inspectorem, atque Consistorii Assessorem, Eliam Thomæ, Gymnasii præfati Rectorem, Gotfredum Bogenium, Collegam ejusdem primarium, jam mortuos, viventes autem M. Fridericum Viccium, Acoluthi, & M. Martinum Hanckium, Thomæ, in officiis succes-

successores, *M. Christianum Hermannum*, in ædibus Elisabethanis Ecclesiastem, *Eliam Majorem*, Gymnasii Correctorem, & *Gotlob Kranzium*, Bibliothecarium Elisabethanum, præprimis prædicat, eorumque & fidelitatem & industriam, in studiis humanioribus partim, partim in Philosophiæ & Theologiæ exponendis, prolixis extollit laudibus. Inde ad Academiam destinatus, propensioremque animum ad Jurisprudentiæ studium sentiens, fama & meritis Professorum in Academia Viadrina commotus, eò se Anno 91. contulit, ibique in numerum ci-vium Academicorum à Maximè Reverendo *Philippo Buchio*, Theologiæ Professore meritissimo, mense Julio receptus est. Ne autem, vitio communi seculi nostri, illotis manibus Jurisprudentiam acce-deret, in Historiâ, Philosophiâ Morali & Politicâ, sine quibus omne ju-ris studium friget & inane est, scholas Philosophi Consummati & A-cademiæ Viadrinæ singularis ornamenti *Job. Christoph. Becmanni*, The-o-ologiæ Professoris Ordinarii, diligenter frequentavit, inde sub manu-ductione *Job. Joachimi Schäpfferi*, tum Professoris Juris Extraordina-rii, nunc in Alma Rostochiensi Professoris Ordinarii, Viti, encomii no-stri non indigentis, prima juris fundamenta posuit, tum se totum in-dustriæ & fidelitati, à nobis ipsis olim intimiore perceptæ sensu, & nunquam sine jucunda quidem sed & venerabunda recordatione memorandæ, Jcti Famigeratissimi *Petri Schultzii*, Professoris Pande-ctorum Ordinarii, Nostri jam Fautoris & Amici integerrimi, in Juris studio perficiendum tradidit, à quo per discursus eruditos ad Stru-vii & Lauterbachii labores, præparatus, tum examinatoriis quæ di-cuntur, collegiis exercitatus, atque exercitiis disputatoriis politus fuit ferè per triennium, quo tempore elapso, maturum hoc diligentia-suæ opus judicavit Vir Excellentissimus, quod judicio Eruditorum publi-cè exhiberet. Factum id fuit mense Febr. anni præced. cum Noster sub Ipsius præsidio Disput. Jurid. de *Manu in parentes injuriosa*, eruditè conscriptam eruditè defenderet. Perfectus ita ad nos se contulit mense Majo ejusdem anni, solennia observaturus Inaugurationis tum pro-ximè instantis, atque repetitur vel etiam collaturus per aliquod tempus, haustam in Almâ Francofurtanâ doctrinam, cum aliorum sen-tentiis. Quare expendens, opera politissima intempestivâ quiete rubi-gine facile obduci, non quietus fuit in Otio Academicō, sed partim Illu-stris Ordinarii Nostri, *Samuelis Strykii*, Jcti laudes nostras dudū super-gresfi

gressi, lectiones ad Pandectas, & J. Can. tūm & Manuductionem ad Proc.
magno desiderio gustavit, & in succum quod ajunt, & sanguinem con-
vertit, partim meis discursibus ad Institutiones Justinianas & Juris-
prudentiam divinam diligentissimè interfuit. Igitur hic subinde in
seipsum recedens, & vires proprias vario tentamine expertus jussi
parentum, modestam ambitionem summorum in Jure honorum ei
injungenti, ulterius reluctari non debuit, sed, cum audiret, circa in-
augurationis Diem mox redditurum, à Facultate Nostrâ Promotionem
Doctoralem destinatam esse, ut Candidatorum numero adscribere-
tur observanter petiit, atque pro eâ, quâ honestis cujuscunque Desi-
deriis asurgere parati sumus, inserviendi promptitudine nostrâ, conse-
cutus est. Et cur non consequeretur? cum non solùm singulari dili-
gentiâ & morum modestiâ, superiores honorante, pares sine luxuriâ
aut superbiâ notis amante, Facultati Nostræ se commendaverit, sed
& in Examinibus duobus, quæ pro more sustinuit, ita se Nobis omni-
bus exhibuerit, ut ne ullum quidem dubium, quod assensum vel tan-
tillum remorari potuerit ulli nostrûm fuerit subortum. Nunc in
eo est, ut ex indultu Facultatis nostræ instantibus proximè diebus 23.
& 24. Mensis hujus, horâ pomeridianâ tertiat cursoriis lectionibus Titu-
lum Pandectarum de Rei Vindicatione publicè exponat, & in sequente
die 29. horis antemeridianis & pomeridianis disputatione inaugurali de
Protestatione Ius protestantis non conservante sub directione meâ ju-
stum Facultatis Nostræ de ipsius meritis judicium publicè comprobet.
Quibusactibus ut Magnificus Academiæ Prorector, Illustrissimi &
Illustris Universitatis nostræ, respectivè Mecœnates & Cives, Ex-
cellentissimi Facultatum omnium Professores, ceterique hujus Urbis
Proceres atque Collegii Nostri Patroni & Fautores præsentia suâ in-
teresse, vel etiam, si libuerit, collatione amicâ atque honorificâ vi-
res Candidati Clarissimi tentare velint, decenter atque amanter rogo,
præsentiam ultroneam Florentissimæ Juventutis, pro eô, quo nos
mutuo prosequimur amore, certò mihi pollicitus. P. P. sub sigillo
Facultatis, ipso Trinitatis Festo Anno Ær. C. M DC XCV.

HALÆ MAGDEB. TYPIS ZEITLERIANIS.

Halle, Diss., 1695 (T-Z)



3

5b.

VD17





Farbkarte #13

B.I.G.

Black

3/Color

White

Magenta

Red

Yellow

Green

Cyan

Blue

Centimetres
Inches

19
18
17
16
15
14
13
12
11
10
9
8
7
6
5
4
3
2
1

1695 43d 26.
FACULTATIS JURIDICÆ
IN ALMA FRIDERICIANA
H. T.

DECANUS,
CHRISTIANUS THOMASIUS,
ad Lectiones Cursorias
super Tit. ff. de Rei Vindicatione

Die XXIII. & XXIV. Maij, horâ pomerid. III.

ET DISPUTATIONEM INAUGURALEM

DE PROTESTATIONE JUS PRO-
TESTANTIS NON CONSERVANTE

D. XXIX. ejusd. mensis Horis Ante- & Pomerid.

à
DN. JOH. ANTONIO VVALTHERO,

VRATISLAVIENSI,
J. U. CANDIDATO
IN AUDITORIO MAJORI
habendas,
decenter invitat.

